

Morning Dogri (NSD) National News Bulletin 20-03-2025

आकाशवाणी

1. केन्द्र सरकार नै पशुपालन खेत्तर च तरक्की गी बढ़ावा देने लेई संशोधित राष्ट्रीय गोकुल मिशन गी मंजूरी देई दित्ती ऐ।
2. केन्द्रीय मंत्री किरन रिजिजू होरें आखेआ ऐ जे सरकार नै सब्बने समुदायें दे सामाजिक-आर्थिक स्थिति च सुधार करने लेई केई योजना शुरू कीतियां न।
3. मार्च 2025 आस्तै रिजर्व बैंक दे मासिक बुलेटिन दे मताबक वैश्विक चुनौतिएं दे बावजूद भारतीय अर्थबवस्था च लचीलापन जारी ऐ।
4. यूक्रेन दे राष्ट्रपति जेलेंस्की रूस कन्नै आंशिक तौरा पर युद्ध विराम पर सैहमत न।
5. मरे दे लोकें दी गिनतरी च बाढ़ा होने कन्नै गै इजराइल दी फौजें गाजा च लमीनी कारवाई शुरू करी दित्ती ऐ।
6. स्विस् ओपन बैडमिंटन दे महिला डबल्स प्री-क्वार्टर फाइनल च भारत दी त्रीसा जॉली ते गायत्री गोपीचंद हुंदी जोड़ी दा अज्ज जर्मनी दी सोलिन लेमैन दी जोड़ी कन्नै होग।

<><><><><><>

Gokul Mission

केन्द्र सरकार नै पशुपालन खेत्तर च तरक्की गी बढ़ावा देने लेई संशोधित राष्ट्रीय गोकुल मिशन गी मंजूरी देई दित्ती ऐ। विकास कार्यक्रम योजना दे केन्द्रीय खेत्तर दे इक हिस्से दे तौरा पर संशोधित राष्ट्रीय गोकुल मिशन गी लागू करने दा कम्म इक ज्हार करोड़ रपे दे खर्च कन्नै कीता जा करदा ऐ जेहड़ा 2021-22 थमां 2025-26 15में माली आयोग साइकल दरान तकरीबन 34 सौ करोड़ रपें दा खर्च ऐ। इस योजना कन्नै दुध उत्पादक च मता बाढ़ा होग जेह्दे कन्नै करसानें दी आमदनी च बी बाढ़ा होग।

<><><><><><>

Rijju

केन्द्रीय अल्पसंख्यक मामले दे मंत्री किरन रिजिजू होरें आखेआ ऐ जे सरकार अल्पसंख्यक समुदाये सनें सब्बने समुदायें दी सामाजिक-आर्थिक स्थिति च सुधार करने लेई जतन करा'रदी ऐ। लोकसभा च इक सुआल दे लिखित परते च किरन रिजिजू होरें दस्सेआ ऐ जे इनें समुदाय दे पढ़ाई-लखाई सशक्तिकरण लेई सरकार मैट्रिक थमां पैहले, मैट्रिक दे बाद

मैरिट-कम-मीन्स आले वजीफे लागू करा'रदी ऐ। उनें इब्बी आखेआ ऐ जे रोजगार ते आर्थिक सशक्तिकरण गी जकीनी बनाने लेई प्रधानमंत्री विरासत दा समवर्धन पीएम विकास ते राष्ट्रीय अल्पसंख्यक विकास ते वित्त निगम गी स्थिति रियायती लोन देने लेई बक्ख-बक्ख योजनाएं गी बी चलाया जा'रदा ऐ।

<><><><><><>

RBI

मार्च 2025 आस्तै रिजर्व बैंक दे मासिक बुलेटिप च आखेआ गेआ ऐ जे वैश्विक चुनौतिएं दे बावजूद भारतीय अर्थबवस्था च लचीलापन जारी ऐ। अर्थबवस्था दी स्थिति लेख मूजब वैश्विक अर्थबवस्था दा परीक्षण बपार तनाह दे बाढ़े ते टैरिफ दे दायरे, समे ते तीव्रता दे बारे च अनिश्चितता दी बधदी लैहर राएं कीता जा'रदा ऐ। एहदे इलावा वैश्विक माली बजारें च बधदी अस्थिरता नै वैश्विक विकास च मंदी दी शेंकाएं गी होर बधाई दित्ता ऐ। लेख मूजब इनें चुनौतिएं दे बावजूद भारतीय अर्थबवस्था च सुधार होआ ऐ, जियां कृषि क्षेत्र दे मजबूत प्रदर्शन ते खपत च सुधार कन्नै साफ ऐ। एहदे मूजब इनें चुनौतिएं दा सामना करने आस्तै भारत दी व्यापक आर्थिक ताकत फरवरी 2025 च खाद्य कीमते च होर सुधार करी सीपीआई मुद्रास्फीति च 7 महीने दे हेठले स्तर 3.6 फीसद तगर दी गिरावट कन्नै मजबूत होई ऐ।

<><><><><><>

Central Minister

केन्द्रीय युवा मामले ते खेड्ड मंत्री डॉ. मनसुख मांडविया होरें नमीं दिल्ली च राष्ट्रीय डोप परीक्षण प्रयोगशाला सलाना सम्मेलन 2025 दा उद्घाटन कीता। सलाना सम्मेलन दा विषय ऐ एंटी डोपिंग विज्ञान, नवाचार ते चुनौतियां। युवा मामले ते खेड्ड मंत्रालय नै इक ब्यान च आखेआ ऐ जे एह आयोजन विज्ञानिकें, प्रशिक्षकें, शारीरिक शिक्षा माहिरें ते विद्यार्थिं गी एंटी डोपिंग विज्ञान च नवीनतम प्रगति ते चुनौतिएं पर चर्चा करने आस्तै इक महत्वपूर्ण मंच उपलब्ध करोआया ऐ। इस मौके पर डॉ. मांडविया होरें आखेआ ऐ जे खेड्डें च निपक्खता गी बढ़ावा देना लोड्चदा। उनें डोपिंग गी शुरूआती शिक्षा दे महत्व पर जोर भरेआ।

<><><><><><>

Prez. Udyam Utsav

राष्ट्रपति द्रौपदी मुर्मू होर अज्ज राष्ट्रपति भवन दे अमृत उद्यम उत्सव च हिस्सा लैंगन। इक कार्यक्रम दा आयोजन लौहके, भलेया लौहके ते दरम्याने दर्जे दे उद्योग मंत्रालय आस्सेआ

कीता जा'रदा ऐ। उद्ययम उत्सव च डेयरी दी जीवंत विरासत गी लोकें दे नेड़े लेइयै एमएसएमईएस गी सशक्त बनाने ते बढ़ावा देने दी कोशश कीती गई ऐ। इस म्हीने दी 30 तरीक गी एहदा समापन होग।

<><><><><><>

BHIM-UPI

सरकार नै घट्ट मूल्य आहले भीम-यूपीआई लैनदैन गी बढ़ावा देने आस्तै अज्ज इक प्रोत्साहन योजना गी मंजूरी दिती। योजना पर इक हजार 500 करोड़ रुपये आस्तै अनदाजन खर्च कन्नै अमलावरी कीती जाग। नमी दिल्ली च मंत्रिमंडल दे फैसलै बारै च सूचना ते प्रसारण मंत्री अश्विनी वैष्णव होरें आक्खेआ जे इस योजना कन्नै लौहके व्यौपारी बिना कुसै अतिरिक्त लागत दे यूपीआई सेवाएं दा लाह लेई सकडन। उने आक्खेआ जे लौहके कारोबारिएं गी दो हजार रुपये तकर दे लैनदेन आस्तै हर लैनदेन मूल्य पर सिफर अशारिया इक-5 प्रतिशत दी दर कन्नै प्रोत्साहन प्रदान कीता जाग। श्री वैष्णव होरें आक्खेआ जे सरकार नै असम दे नामरूप च ब्रह्मपुत्र वैली फर्टिलाइजर कॉरपोरेशन लिमिटेड दे मौजूदा परिसर च इक नमा ब्राउनफील्ड अमोनिया-यूरिया कॉम्प्लेक्स नामरूप चार उर्वरक संयंत्र स्थापित करने दा फैसला कीता ऐ। उने आक्खेआ जे इस परियोजना कन्नै देशै च घरेलू यूरिया उत्पादन क्षमता बढ़ौग ते एह यूरिया दी बढ़दी मंग गी पूरा करौग। श्री वैष्णाव होरें आक्खेआ जे सरकार नै महाराष्ट्र च जेएनपीए पोर्ट सोयां चौक तकर छह लेन दे ग्रीनफील्ड हाईवे दे निर्माण गी मंजूरी दिती ऐ। उने आक्खेआ जे इस परियोजना पर चार हजार 500 करोड़ रुपये दी लागत आग। एह परियोजना जेएनपीए पोर्ट ते नवी मुंबई अंतर्राष्ट्रीय हवाई अड्डे गी जोड़िए लॉजिस्टिक दक्षता च सुधार आस्तै बनाई गई ऐ।

<><><><><><>

Russia Ukraine

रूस ते यूक्रेन नै त्रै ब'रे पैहले रूस दे सैन्य अभियान शुरू करने मगरा थमां अजें तगर दी सब्बने थमां बड्डी गिनतरी च 175 कैदिएं दी अदला बदली कीती ऐ। यूक्रेन दे राष्ट्रपति गोलोदिमीर जेलेंस्की होरें आक्खेआ जे सारे युद्ध बंदिएं ते बंधक नाबरिकें गी रिहा करना शांति दी भेठा इक महत्वपूर्ण गेंह ऐ। एहदे कन्नै दौनें मुखें बश्कार भरोसा कायम करने च मदद थ्होई सकदी ऐ। रूस दे रक्षा मंत्रालय नै आक्खेआ ऐ जे औने सदभावना दे तौर पर गंभीर तौर पर घायल यूक्रेन दे 22 बंदिएं गी रिहा कीता ऐ। अदला बदली दी योजना अमरीका दे राष्ट्रपति हुंदे कन्नै गल्लबात थमां पैहले गै बनाई लैती गई ही।

<><><><><><>

US-Ukraine

अमरीका नै आखेआ जे यूक्रेन दे राष्ट्रपति बोलादिमीर जेलंस्की होरें रूस खलाफ संघर्ष च आंशिक युद्ध विराम पर सैहमति जताई ऐ। जेह्दे पर अमरीका दे राष्ट्रपति डोनाल्ड ट्रंप ते रूस दे राष्ट्रपति ब्लादिमीर पुतिन होरें चर्चा कीती। व्हाइट हाउस आस्सेआ आखेआ गेआ ऐ जे ट्रंप होरें पुतिन हुंदे कन्नै अपनी गल्लबात ते प्रमुख मुद्दे पर होई दी चर्चा बारे च जेलंस्की होरें गी जानकारी दित्ती। व्हाइट हाउस दे प्रवक्ता कैरोलीन लेविट होरें आखेआ ऐ जे दौने नेताएं आंशिक युद्धविराम पर सैहमति जताई ऐ। उनें आखेआ जे औने आले दिनें च पूर्ण युद्धविराम आस्तै तकनीकी टीम दी इक बैठक सऊदी अरब च होग। राष्ट्रपति ट्रंप होरें 30 दिन दे पूर्ण युद्धविराम दा प्रस्ताह रखेआ हा। पर राष्ट्रपति जेलंस्की ते राष्ट्रपति पुतिन होरें छड़ा ऊर्जा ते बुनियादी ढांचे पर हमला नेई करने दे सीमित युद्धविराम पर सैहमति जाहर कीती।

<><><><><><>

Israel Gaza

इजराइल नै गाजा च अपने सैन्य अभियानद 1 विस्तार करदे होई युद्ध दी शुरूआत दे मगरा थमां हुनै तगर दे सब्बने थमां घातक हमले चा इक ब्हाई हमला कीता जेह्दे च घट्टोघट्ट 400 फिलस्तीनिएं दी मौत होई गई। इजराइली सेना नै घोषणा कीती जे औने सुरक्षा परिधि दा विस्तार करने ते उत्तर ते दक्खन बश्कार आंशिक बफ्ट बनाने दे मुख्य थमां मध्य ते दक्खनी गजा पट्टी च लक्षित जमीनी अभियान शुरू कीता ऐ। एह अभियान हमास कन्ने जनवरी दे युद्धविराम समझौते दे त्रुटने दे मगरा इक महत्वपूर्ण घटनाक्रम ऐ। मकामी सेहत कार्यकर्ताएं मूजब ताजा हमले च 38 होर फिलस्तीजी मारे गे न। एह मंगलवार आली विनाशकारी बम्बबारी दे मगरा होआ ऐ। एह्दे च संयुक्त राष्ट्र परियोजना सेवा कार्यालय दा इक कर्मचारी बी शामिल ऐ।

<><><><><><>

Swiss Open Badminton

स्विस ओपन बैडमिंटन दे महिला डबल्स प्री क्वार्टर फाइनल च भारत दी त्रीसा जॉली ते गायत्री गोपीचंद हुंदी जोड़ी दा मकाबला अज्ज स्विटजरलैंड दे बासेल च जर्मनी दी सेलिन

हब्सच ते एमिली लेहमैन दी जोड़ी कन्नै होग। भारत दी इस जोड़ी नै कल पैहले दौर च
स्विटजरलैंड दी एलाइन मुलर ते लीदरलैंड दी केली वैन ब्यूटेन दी जोड़ी गी 21–16,
21–17 कन्नै हराया।

<><><><><><>